

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“ br. 17/00, 1/05 i 11/06), Vlada Tuzlanskog kantona na sjednici održanoj dana \_\_\_\_\_2010. godine, d o n o s i

## **O D L U K U**

### **o raspisivanju javnog poziva i utvrđivanja teksta javnog poziva**

#### **Član 1.**

Raspisuje se javni poziv za raspodjelu sredstava sa potrošačke jedinice 11020024 – subvencioniranje kamate za stambeno zbrinjavanje mladih a radi sačinjavanja rang liste kandidata za dodjelu sredstava po osnovu subvencioniranja kamata za stambeno zbrinjavanje mladih.

#### **Član 2.**

Utvrđuje se tekst javnog poziva, koji je u prilogu ove Odluke i predstavlja njen sastavni dio, a koji je sačinjen u skladu sa Odlukom o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih, broj: 02/1-14-11883/10 od 01.07.2010. godine.

#### **Član 3.**

Postupak provođenja javnog poziva izvršit će Savjet za nevladin sektor i pitanja mladih, koji će sačiniti Rang listu kandidata i dostaviti Komisiji za administrativna pitanja Vlade Tuzlanskog kantona.

#### **Član 4.**

Vlada Tuzlanskog kantona objavit će javni poziv u dnevnom listu “Tuzlanski list”, RTV TK i na zvaničnoj Web stranici Vlade Tuzlanskog kantona.

#### **Član 5.**

Odluka stupa na snagu danom donošenja.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

**PREMIJER KANTONA**

*mr. sc. Enes Mujić*

**Broj: 02/1-**  
**Tuzla, \_\_\_\_\_2010. godine**

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**VLADA**

Na osnovu člana 4. Odluke o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih, broj: 02/1-14-11883/10 od 01.07.2010 godine), Vlada Tuzlanskog kantona raspisuje

**JAVNI POZIV**  
**za raspodjelu sredstava sa potrošačke jedinice 11020024-**  
**subvencioniranje kamata za stambeno zbrinjavanje mladih**

**I**

Raspisuje se javni poziv za raspodjelu sredstava sa potrošačke jedinice 11010024 - subvencioniranje kamata za stambeno zbrinjavanje mladih za 2010.godinu.

Raspodjela sredstava za subvencioniranje kamata za stambeno zbrinjavanje mladih vršit će se u skladu sa Budžetom Tuzlanskog kantona za 2010.godinu i Zakonom o izvršenju Budžeta Tuzlanskog kantona za 2010.godinu, u ukupnom iznosu do 50.000,00 KM.

Pod subvencioniranjem kamata podrazumijeva se odobravanje novčanih sredstava na ime kamata za odobrene kredite počev od 2009.godine za rješavanje stambenih potreba mladim naučnim, stručnim i kadrovima iz oblasti kulture i sporta.

Podnosilac zahtjeva nema riješeno stambeno pitanje, ukoliko on ili član njegovog porodičnog domaćinstva nije nosilac stanarskog prava, vlasnik stana ili porodične kuće na teritoriji Bosne i Hercegovine do dana zaključenja ugovora o kreditu za stambeno zbrinjavanje. Članovima porodičnog domaćinstva smatraju se bračni drug, djeca rođena u braku i van braka i usvojenik

**II**

*Opći uslovi koje podnosilac zahtjeva za dodjelu sredstava treba ispuniti su:*

- (1) starosna dob do navršenih 35 godina života u godini u kojoj se podnosi zahtjev,
- (2) da nema riješeno stambeno pitanje na teritoriji BiH u smislu stava 4. tačke I ovog Javnog poziva,
- (3) da posjeduje ugovor o kreditu za stambeno zbrinjavanje sa bankom na iznos do 100.000 KM,
- (4) da je državljanin Bosne i Hercegovine,
- (5) mjesto prebivališta na području Tuzlanskog kantona.

**III**

Posebni uslovi i kriteriji za određivanje broja bodova i utvrđivanje reda prvenstva podnosioca zahtjeva za dodjelu kredita su:

1. stepen stručne spreme,

2. priznati uspjesi u naučnom radu, nastupi u oblasti kulture, izložbe, sportski i profesionalni uspjeh, te renomirana svjetska, evropska i druga javna priznanja za rezultate u radu,
3. učešće u oružanim snagama,
4. nosioci ratnog priznanja,
5. stepen invalidnosti,
6. broj članova porodičnog domaćinstva,
7. zajedničko apliciranje bračnih drugova.

#### IV

Red prvenstva za subvencioniranje kamata za stambeno rješavanje, utvrđuje se na osnovu rang-liste, odnosno ukupnog broja bodova po kriterijima, kako slijedi:

**1. Stepen stručne spreme:**

doktor nauka.....	25 bodova
magistar.....	20 bodova
VSS.....	15 bodova
VŠS.....	10 bodova
V stepen.....	7 bodova
SSS.....	5 bodova

*2. Priznati uspjesi u naučnom radu, nastupi u oblasti kulture i izložbe, sportski i profesionalni uspjesi, te renomirana svjetska i druga javna priznanja za rezultate rada, i to:*

**2.1.** Dobitnik svjetskih renomiranih priznanja i nagrada u oblasti nauke, tehnike, kulture, umjetnosti i informisanja, uključujući i priznanja umjetničke kritike ili osvajač medalja na svjetskim prvenstvima ili olimpijadama u sportu..... 20 bodova

**2.1.1.** Osvajač prvog mjesta..... 5 bodova

**Na broj bodova iz tačke 2.1. dodaje se broj bodova iz podtačke 2.1.1.**

**2.2.** Doprinos kroz patente dokazane ili certificirane od strane ovlaštenih institucija i doprinos u nauci, tehnici, i tehnologiji kroz inovacije dokazane ili certificirane od ovlaštenih institucija..... 20 bodova

**2.3.** Dobitnik evropskih renomiranih priznanja i nagrada u oblasti, nauke, kulture, umjetnosti i informisanja, uključujući i priznanja umjetničke kritike ili osvajač medalja na evropskim prvenstvima u sportu..... 15 bodova

**2.3.1.** Osvajač prvog mjesta..... 2 boda

**Na broj bodova iz tačke 2.3. dodaje se broj bodova iz podtačke 2.3.1.**

**2.4.** Dobitnik renomiranih priznanja u državnim ili regionalnim okvirima u oblasti nauke, tehnike, kulture i umjetnosti, uključujući i priznanja umjetničke kritike ili osvajač medalja na državnim i regionalnim prvenstvima u sportu..... 10 bodova

**2.4.1.** Osvajač prvog mjesta..... 1 bod

**Na broj bodova iz tačke 2.4. dodaje se broj bodova iz podtačke 2.4.1.**

**2.5.** Objavljen udžbenik, odobren od nadležnih institucija za upotrebu u obrazovnim ustanovama

**2.5.1.** samostalno..... 5 bodova

**2.5.2.** koautorstvo..... 2 boda

**Maksimalan broj bodova po tački 2.5. iznosi 10 bodova.**

Maksimalan broj bodova po kriteriju „Priznati uspjesi u naučnom radu, nastupi u oblasti kulture i izložbe, sportski i profesionalni uspjesi, te renomirana svjetska i druga javna priznanja za rezultate rada“ iznosi 25 bodova.

**3. Po osnovu učešća u oružanim snagama RBiH:**

Vrijeme provedeno u odbrambeno-oslobodilačkom/domovinskom ratu od 18.09.1991. do 23.12.1995. godine..... 10 bodova  
- za svaku godinu učešća u Oružanim snagama RBiH..... 2 boda  
- za svaku nepunu godinu učešća u Oružanim snagama RBiH, pod uslovom da to iznosi najmanje tri mjeseca..... 1 bod

**4. Nosioci ratnog priznanja:**

- nosilac ratnog priznanja, u smislu člana 2. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05)..... 10 bodova

**5. Stepen invalidnosti:**

za invalide od 20%-30% invaliditeta..... 2 boda  
za invalide od 30%-40% invaliditeta..... 3 boda  
za invalide od 40%-50% invaliditeta..... 4 boda  
za invalide od 60% invaliditeta..... 5 bodova  
Za svakih narednih 10% invaliditeta više dodaje se..... 5 bodova

**6. Po osnovu broja članova porodičnog domaćinstva:**

Za svakog člana porodičnog domaćinstva, računajući podnosioca zahtjeva..... 3 boda

**7. Zajedničko apliciranje bračnih drugova:**

Bračni drugovi apliciraju zajedno jednom aplikacijom uz izjavu o saglasnosti ko će od njih biti nosilac zahtjeva.

Broju bodova koje dobije nosilac zahtjeva dodaje se jedna trećina bodova koje dobije bračni drug nosioca zahtjeva.

Nosilac zahtjeva za bračnog druga dostavlja propisanu dokumentaciju o ispunjavanju općih i posebnih uslova.

## V

Dodjela sredstava vršit će se podnosiocima zahtjeva po utvrđenoj rang listi do visine raspoloživih sredstava, planiranih u Budžetu Tuzlanskog kantona za tekuću godinu.

Pojedinačan iznos sredstava na ime subvencioniranja kamata, odobrvat će se u visini obračunate kamate po ugovoru o kreditu, s tim da ne može preći iznos od 5.000,00 KM.

U slučaju jednakog broja bodova prednost na rang-listi se daje podnosiocu zahtjeva koji je dobio veći broj bodova prema redoslijedu kriterija iz tačke IV ovog Javnog poziva.

## VI

Uz prijavu na Javni poziv za subvencioniranje kamata kandidati su dužni priložiti sljedeće isprave i dokazi o ispunjavanju općih i posebnih uslova, odnosno kriterija:

- **Izvod iz matične knjige rođenih ili ovjerena kopija CIPS-ove lične karte**
- **Potvrda o prijavi prebivališta iz CIPS-registra**
- **Uvjerenje o državljanstvu**
- **ovjerena kopija odgovarajuće diplome, svjedodžbe ili uvjerenja.**
- **Ugovor o kreditu**
- **Uvjerenje izdato od strane nadležnog organa o učešću u oružanim snagama RBiH**
- **Rješenje o dobijanju ratnog priznanja izdato od strane nadležnog organa**
- **Rješenje o stepenu invalidnosti izdato od strane nadležnog organa**
- **ovjerena izjava o zajedničkom domaćinstvu (kućna lista)**
- **ovjerena izjava podnosioca zahtjeva da on ili članovi porodičnog domaćinstva nisu nosioci stanarskog prava, vlasnici stana ili porodične kuće na teritoriji Bosne i Hercegovine i ovjerena**

*izjava bračnog druga da nije nosilac stanarskog prava, vlasnik stana ili porodične kuće ukoliko je riječ o zajedničkom apliciranju bračnih drugova - ispravu, odnosno mišljenje nadležne institucije iz pojedinih oblasti (Rektorat odgovarajućeg univerziteta, Akademija nauka i umjetnosti Bosne i Hercegovine, Sportski savez Bosne i Hercegovine i sl.) o ispunjavanju posebnih uslova iz tačke III podtačka 2. ovog Javnog poziva*

Uredne dokaze o ispunjavanju općih i posebnih uslova ponosilac prijave dostavlja u originalu ili ovjerene fotokopije dokumenata koji nisu stariji od tri (3) mjeseca.

## VII

Javni poziv se objavljuje u dnevnim novinama «Tuzlanski list», RTV TK i na zvaničnoj Web stranici Vlade Tuzlanskog kantona, [www.vlada@tk.kim.ba](mailto:www.vlada@tk.kim.ba).

Prijave na Javni poziv za raspodjelu sredstava se dostavljaju u roku od 15 dana od dana objave u dnevnim novinama.

Prijave na Javni poziv sa potrebnom dokumentacijom mogu se slati putem pošte ili predati direktno na pisarnicu Vlade Tuzlanskog Kantona na adresu:

**Vlada Tuzlanskog kantona  
„Za Savjet za nevladin sektor i pitanja mladih Vlade Tuzlanskog kantona“  
Ul. Slatina br. 2 Tuzla**

**Neblagovremene ili nepotpune prijave neće biti razmatrane.**